

Cynllun Cyngor Gwynedd 2023-28 – Gweithrediadau Blwyddyn 2 – Diweddariad Mai 2025

Gwynedd Effeithlon: Rhoi trigolion Gwynedd yn gyntaf gan eu trin yn deg a sicrhau fod y Cyngor yn perfformio'n dda ac yn effeithiol

Adran	Prosiect	Beth ydym am ei gyflawni yn ystod yr AIL flwyddyn 2024-25 (cerrig milltir):	Diweddariad CRYNO ar y cynnydd gyda'r cerrig milltir hyd yma Mai 2025	Ydi'r garreg filltir wedi ei chwblhau / yn debygol o'i chwblhau erbyn diwedd y flwyddyn ariannol (Ydi / Nac Ydi)
Cyllid	Rheoli effaith toriadau cyllidol cenedlaethol	1. Monitro fod yr arbedion a thoriadau gwerth £5.6m ar gyfer 2024/25, a gafodd eu cymeradwyo gan y Cyngor Llawn 07/03/24, ynghyd â unrhyw arbedion sydd eto ar ôl i'w gwireddu yn cael eu blaenoriaethu gan yr Adrannau i'w gwireddu yn ystod y flwyddyn ariannol https://democratiaeth.gwynedd.llyw.cymru/document/s/40348/Eitem%209%20-%20Atodiad%203%20-%20Arbedion.pdf?LLL=1	Y sefyllfa erbyn diwedd y flwyddyn ariannol 2024/25 yw bod arbedion gwerth £43 miliwn wedi eu gwireddu ers 2015/16, sydd yn 93% o'r £46.6m gofynnol dros y cyfnod. Mae gwerth £5.6 miliwn o gyfanswm yr arbedion yn berthnasol i arbedion y flwyddyn ariannol 2024/25. Serch hyn, mae nifer o gynlluniau arbed ar draws y Cyngor heb eu gwireddu.	Ydi – yr arbedion wedi eu monitro ond y targed llawn heb ei gyflawni.

		2. Monitro fod yr Adrannau yn blaenoriaethu gwireddu arbedion sydd wedi llithro o flynyddoedd ariannol blaenorol.	Yn ystod y flwyddyn ariannol yma rydym wedi adrodd i'r Pwyllgor Llywodraethu ac Archwilio ar 10 Hydref 2024 ac i'r Cabinet 15 Hydref 2024 ar sefyllfa'r arbedion fel rhan o'r adolygiad ariannol a gyflawnwyd diwedd Awst. Ymhellach, adroddwyd ar y sefyllfa yn dilyn adolygiad diwedd Tachwedd i'r Pwyllgor Llywodraethu ac Archwilio ar y 16 Ionawr 2025 ac i'r Cabinet 21 Ionawr 2025.	Ydi
		3. Y Prif Weithredwr, Cyfarwyddwyr a'r Pennaeth Cyllid i gyfarfod yn chwarterol i adolygu statws gwireddu holl arbedion a thoriadau y Cyngor ac i ystyried y cynlluniau sydd wedi llithro er mwyn cynnal asesiad gwrthrychol o pa mor realistig yw'r disgwyliad iddynt gael eu gwireddu.	Bu i ni hefyd adrodd i'r Prif Weithredwr a'r Cyfarwyddwyr yn ystod y flwyddyn.	Ydi
		4. Adrodd i Gabinet ac i'r Pwyllgor Llywodraethu ac Archwilio 10 Hydref 2024 a 16 Ionawr 2025 ar statws gwireddu holl gynlluniau arbedion a thoriadau y Cyngor.	Mae hyn wedi digwydd.	Ydi
		5. Cydweithio gyda'r Prif Weithredwr a'r Cyfarwyddwyr a Phenaethiaid Adrannau ar gynlluniau arbedion a thoriadau 2025/26, gan edrych ar ffyrdd amgen o ddarparu gwasanaethau. Mae gwireddu gwerth dros £39 miliwn o arbedion ers 2015 [hyd at 2023/24] yn golygu fod cyfleon am arbedion effeithlonrwydd eisoes wedi eu cyflawni.	Yn dilyn sefydlu y Bwrdd Rhaglen Cynllun Ariannol Tymor Canolig, fel rhan o waith i'r Bwrdd, mae'r Adran Gyllid eisoes wedi darparu gwybodaeth fanwl ar gyfer arbedion a thoriadau 2025/26. Mae gwybodaeth am yr arbedion yn rhan o adroddiad Cyllideb 2025/26 sydd wedi ei gyflwyno i'r Pwyllgor Llywodraethu ac Archwilio 06/02/2025 ac i Gabinet 11/02/2025. Mae wedi ei gymeradwyo gan y Cyngor Llawn 06/03/2025.	Ydi

Cyllid	Cynllun Digidol	Gweithgaredd raglennwyd ar gyfer 2024/2025: Mae'r cynlluniau isod unai yn hunan-gyllidol oddi ar yr adnoddau sydd gan y Cyngor yn barod, neu wedi derbyn cefnogaeth lawn i'w rhoi ar waith yn ystod y ddwy flynedd nesaf: • Blaenoriaethu prosiectau o Cynllun Digidol Cyngor Gwynedd 2023-2028 ar sail dynodiad y gefnogaeth ariannol – Ch1 2024/25 • Paratoi adnoddau parhaol ac achlysurol i roi prosiectau'r cynllun ar waith Ch1 a Ch2 • Adnodd seibrddiogelwch (parhaol) – Ch2 • Adnoddau Microsoft365 (achlysurol) - Ch1 • Prentisiaid gradd gwyddor data (cytundeb 3 mlynedd) – Ch1 • Hyfforddai Trawsnewid Digidol (cytundeb 3 mlynedd) – Ch1 • Swyddog teleffoni (parhaol) – Ch2 • Adnodd ymchwil (cytundeb 2 flynedd) - Ch2 Dyma'r prosiectau a roddir ar waith yn 2024/25:	Mae rhestr fer wedi ei phennu ar gyfer Hyfforddai Trawsnewid Digidol eto eleni, gyda'r gobaith y bydd modd penodi eleni ar ôl methiant y llynedd i lenwi'r swydd. Mae'r swydd teleffoni parhaol wedi ei ddal yn ôl tra bo'r broses arfarnu yn mynd rhagddo, ond mae bellach wedi ei gwblhau a'r broses i gyflwyno newid i'r sefydliad yn yr arfaeth. Mae cymal cyntaf ar gyfer adnodd ymchwil wedi ei gwblhau, gan benodi adnodd i gynorthwyo gyda'r prosiect teleffoni.	Na
		GWEI2 – cefnogi gweledigaeth y rhaglen “Gweithio i'r dyfodol” ▪ Caffael offer cyffredin ar gyfer desgiau mynd a dod ▪ Newidiadau bosib i'r rhwydwaith ardal eang i gyfarch newid i gragen y swyddfa CC3 – ail ddylunio gwefan gorfforaethol y Cyngor ▪ Cytuno ar ddyluniad ▪ Datblygu a profi'r newidiadau ▪ Cyflwyno'r dyluniad newydd yn fyw	Mae'r uned ddatblygu wedi cwblhau system i neilltuo desgiau mynd a dod a wedi cydweithio â'r Gwasanaeth Eiddo i ymgorffori dyluniadau newydd ein swyddfeydd i'r system a parhau mae cefnogaeth isadeiledd i hwyluso symud pwyntiau rhwydwaith a phwyntiau cyswllt di-wifr. Dyluniad newydd wedi ei gyflwyno i'r Bwrdd Digidol ac adborth wedi ei rannu ynghyd ac argymhellion i sefydlu fersiwn “Beta” o'r wefan i brofi datblygiadau newydd gyda'r cyhoedd.	Ydi Na

		CC2 – gwelliannau i ddarpariaeth ffôn y Cyngor ▪ Ymchwilio i ddatrysiadau sydd ar gael ▪ Creu manyleb anghenion ▪ Caffael datrysiad ▪ Mudo'r ddarpariaeth bresennol i'r ddarpariaeth newydd ▪ Hyfforddi GSB1 – cyflwyno Deallusrwydd Artiffisial ar gyfer gweithgareddau trafodaeth a rheolaidd GSB2 – digideiddio ac awtomeiddio trefniadau anfonebu ▪ Creu tîm dan arweinyddiaeth Cyllid ▪ Adnabod y drefn gyfredol ▪ Dylunio trefn newydd ▪ Comisiynu gwaith datblygu	Mae'r prosiect yma yn symud yn ei flaen ar garlam, ond mae cryn ffordd i fynd. • Oddeutu 800 bellach yn fyw ar y system newydd • Darpariaeth y Ganolfan Gyswllt wedi trosglwyddo i'r system newydd ac yn fyw • Clwstwr peilot o ysgolion a lleoliadau y tu allan i'r prif swyddfeydd wedi eu cwblhau • Rhaglen gynhwysfawr wedi ei pharatoi ar gyfer cwblhau'r ddarpariaeth • Cisco wedi cwblhau datblygiad y Gymraeg ar gyfer y cynnyrch a hwn bellach yn fyw yn fyd-eang. • Cyfrifiadur gyda prosesyddion GPU wedi ei baratoi gan y tîm cefnogol a'i gyflwyno ar gyfer y tîm datblygu – defnyddio DA ar gyfer gwella profiad a canlyniadau chwilio ar y wefan gorfforaethol yw'r prosiect cyntaf ar gyfer y ddarpariaeth hwn • Datblygiad CoPilot yn parhau ar gyfer dehongli, categorieiddio, ffeilio a tracio ymholiadau ysgolion • Is-grŵp digidol (gweinyddiaeth) wedi cynnig 4 prosiect DA pellach • Bydd datblygiadau parhaus yn y maes hwn, ac yn weithgaredd parhaus, heb-derfyn drwy gydol cyfnod y Cynllun Digidol Mae'r prosiect yma yn cael ei ddal yn ôl am gyfnod tan bod allbwn prosiect GSB5 ar gael. Bydd penderfyniad yn cael ei wneud ar sail penderfyniadau a geisir o'r wybodaeth a rennir o'r adroddiad.	Na Ydi Na
--	--	---	--	--------------------------------

		GSB8 – hwyluso cydweithio â phartneriaid ▪ Agenda parhaus na fydd â therfyn amser	Mae hwn yn weithgaredd parhaus gyda'r isod yn ddatblygiadau o nôd: • Cydweithio â GwE i ddod â'r corff i ben (cwblhau diwedd Mai) • Cydweithio ag Uchelgais Gogledd Cymru ar sefydlu'r Cydbwyllgor Corfforedig (wedi cwblhau) • Gwerthu system asedau i awdurdod cyfagos (wedi cwblhau) • Cydweithio â phartneriaid ar draws y gogledd ar sefydlu cynhadledd gofal yn Venue Cymru ar 5ed Mawrth 2025 (wedi cwblhau)	Ydi
		GSB5 – adolygiad o systemau rheoli'r sefydliad (Cam 1) ▪ Paratoi manyleb o anghenion ▪ Caffael ymgynghorwyr i baratoi adolygiad ▪ Ymgymryd â'r adolygiad ▪ Dehongli'r canlyniadau a cyflwyno'r darganfyddiadau ▪ Paratoi'r camau nesaf	Comisiynwyd Socitm Advisory fel ymgynghorwyr i lunio adroddiad ar ein opsiynau ar gyfer systemau rheoli'r sefydliad, gyda'r gwaith bellach wedi ei gwblhau.	Ydi

		GSB5 – adolygiad o systemau rheoli’r sefydliad (Cam 2) ▪ Gweithredu ar argymhellion adroddiad Socitm Consulting ▪ Caffael system Cyflogau/Adnoddau Dynol Newydd	Comisiynwyd Socitm Advisory fel ymgynghorwyr i lunio adroddiad ar ein opsiynau ar gyfer systemau rheoli’r sefydliad, gyda’r gwaith bellach wedi ei gwblhau. • Papur wedi ei baratoi ar gyfer arweiniad gan y Tîm Arweinyddiaeth ar gyfer ○ Cyfyngu cymal cyntaf y prosiect i ganolbwyntio ar ddarpariaeth Cyflogau/Adnoddau Dynol ○ Cadw’r prosiect yn fyw fel bo modd ymestyn y ddarpariaeth i gynnwys ein systemau ariannol fel ail gam • Cyngor ac arweiniad caffael allanol wedi ei gomisiynu fel bo modd mynd i’r farchnad ar fyrder gan bod y system gyflogau gyfredol yn dirwyn i ben yn Rhagfyr 2026 a mae datrysiad amgen yn angenrheidiol i barhau i dalu cyflogau • Disgwyl symud i sefyllfa caffael am system newydd yn ystod Awst/Medi.	Na
--	--	--	---	----

		GWYD2 – parhad gwasanaeth ▪ Creu swydd ddisgrifiad a chyflogi swyddog diogelwch newydd ▪ Sefydlu cynllun ymateb i ddigwyddiad ▪ Profi'r cynllun ymateb i ddigwyddiad ▪ Creu adroddiad blynyddol ar wytnwch ein gwasanaethau	Mae penodiad wedi ei wneud ar gyfer swyddog cadernid seibr newydd Mae trafodaethau ar sefyllfa llywodraethu seibr oddi fewn y Cyngor yn mynd rhagddo, gyda cydnabyddiaeth nad rhywbeth i'r Gwasanaeth TG yn unig yw diogelwch seibr a bod perchnogaeth Cyngor gyfan iddo. Mae pedwar maes penodol i'w cyfarch: • Amddiffyn rhag ymosodiad seibr • Ymateb i ymosodiad seibr • Byw yn ystod ymosodiad seibr • Adfer wedi ymosodiad seibr Bydd dau grŵp penodol yn cael ei sefydlu i gyfarch yr uchod: • Grŵp Gwytnwch a Seibr Gadernid (atebol i'r Bwrdd Trawsnewid Digidol) • Grŵp Ymateb i Ddigwyddiad Seibr (atebol i'r Grŵp Strategol Argyfwng)	Na
--	--	--	--	----

	GSB7 – gwneud y defnydd gorau o’r llwyfan Microsoft365 ▪ Paratoi swydd ddisgrifiadau a chyflogi adnoddau ar gyfer ▪ Ymchwilio ffwythiannau a gwahanol flasau o Microsoft365 ▪ Effaith o ddefnydd y pecynnau o safbwynt technegol a llywodraethu gwybodaeth ▪ Gweinyddu’n defnydd o’r llwyfan gan leihau byrdwn costau’r llwyfan ▪ Rhoi’r tîm estynedig ar waith i ddefnyddio’r llwyfan i’w lawn botensial ▪ Dadansoddi effaith yr ymarferiad ▪ Paratoi achos busnes ar gyfer cefnogaeth barhaol	Mae gwasanaeth swyddog llywodraethu gwybodaeth wedi ei sefydlu i edrych yn benodol ar oblygiadau sefydlu rhai o ffwythiannau’r amgylchedd Microsoft365. Yn dechnegol, gellir rhyddhau popeth sydd wedi ei gynnwys oddi fewn ein trwyddedau, ond mae angen pwyllo gyn gwneud hynny, gan asesu ardrawiad newidiadau neu gyflwyno darpariaeth newydd. Mae darn o waith penodol wedi ei raglennu gyda Microsoft ar gyfer asesu ein amgylchedd ar gyfer addasrwydd i gyflwyno darpariaeth deallusrwydd artiffisial Copilot yn eang yn y Cyngor. Mae pryder bod gwendidau hawliau gwybodaeth yn fygythiad sylweddol ar gyfer cyflwyno’r dechnoleg.	Na
	GWYD1 – uwchraddio llinellau analog i ddigidol ▪ Blaenoriaethu’r adnodd canolog i gario ymlaen gyda gwaith sydd wedi ei gyflawni’n barod (Cam 1) i adnabod cysylltiadau analog sydd angen eu uwchraddio ▪ Symud y prosiect i Cam 2, gan adnabod pa gysylltiadau sydd angen parhau a trefnu i ddiffodd y cysylltiadau nad oes eu hangen ▪ Adnabod technoleg amgen ar gyfer y gwasanaethau sydd angen parhau ▪ Cydweithio a’r adrannau fel eu bod yn perchnogi’r tasgau a cost o fudo i’r darpariaeth newydd	Mae adnodd rhan-amser wedi ei phenodi i yrru’r prosiect yn ei flaen ac yn cydweithio’n agos gyda’r Rheolwr Systemau Isadeiledd a Gwasanaeth Busnes y Gwasanaeth TG. Mae’r dasg yma yn gwneud cynnydd gyda nifer o linellau wedi eu dileu. Er hyn, mae nifer o linellau’n parhau a mae cyswllt wedi eu hadnabod ym mhob adran i hwyluso’r dasg o adnabod statws darpariaeth y cyswllt.	Na
	GWYD3 – uwchraddio darpariaeth darlledu yn siambrau’r Cyngor ▪ Gwelliannau i ddarpariaeth darlledu gweledol yn Siambr Dafydd Orwig a Hywel Dda	Mae hwn wedi llithro a mae darparwr newydd wedi eu gwahodd i gynghori ar newidiadau ar gychwyn CH₄, gyda cyfarfod cychwynnol wedi ei drefnu ar gyfer Chwefror 21ain. Derbyniwyd adborth ganddynt yn ddiweddar ar gyfer darpariaeth mewn ystafell gyfarfod newydd, ond rydym dal i ddisgwyl am arweiniad ar gyfer y siambrau.	Na

		GD2 – siarter data - Is-grŵp data i greu siarter data GD4 – llwyfan adrodd ar ddata - Dehongli'r anghenion - Adolygu'r opsiynau sydd ar gael - Caffael datrysiaid fel peilot - Mesur effaith y peilot a paratoi achos busnes ar gyfer ehangu'r ddarpariaeth GD6 – adrodd ar berfformiad - Is-grŵp data i gydweithio â'r Tîm Rheoli Corfforaethol i greu argymhellion i wella adroddiadau adrodd ar berfformiad GSB6 – rhyngrwyd y pethau - Paratoi achos busnes i'r Bwrdd Hinsawdd ar gyfer adnoddau ychwanegol - Ymchwilio achosion defnydd o sut gall rhyngrwyd y pethau gynorthwyo ymdrechion Cyngor Gwynedd i leihau aralliadau - Cyflwyno datrysiaid ar sail leihau ein defnydd o drydan a gwresogi'n swyddfeydd	Gweithdai dan arweiniad cwmni Basis yn parhau ar gyfer llunio Siarter Data Cyngor Gwynedd. - Y tîm data corfforaethol wedi mynychu sesiynau 1:1 gyda cwmni Microsoft i rannu gwybodaeth am lwyfan adrodd PowerBI ac isadeiledd llwyfannu data Microsoft Fabric ar gyfer Ch3 - Achos busnes yn cael ei baratoi ar sail lledaenu defnydd PowerBI Mae'r prosiect yma ar waith yn barod ac yn cael ei arwain gan yr Adran Gwasanaethau Corfforaethol. - Mae sawl prosiect bychan yn mynd rhagddo a derbyniwyd gwobr am ein gwaith arloesol drwy ddefnydd synhwyrwyr LoRaWAN yn y maes llifogydd Cyhoeddwyd bod achos busnes ar gyfer creu rhwydwaith LoRaWAN rhanbarthol yng ngogledd Cymru ar gyfer wedi ei gymeradwyo gan Fwrdd Uchelgais Gogledd Cymru. Mae'r isadeiledd yma yn greiddiol fel bod datblygiadau rhyngrwyd y pethau ffynnu a swyddogion o'r Cyngor yn flaenllaw yn eu cefnogaeth i'r achos busnes - Mae cais wedi ei wneud am arian o'r gronfa ffyniant i baratoi ystod o achosion busnes ar gyfer defnydd o synhwyrwyr rhyngrwyd y pethau i wella gwasanaethau'r Cyngor. Bwriedir defnyddio'r arian i gyflogi swyddog dros dro i gyd-weithio a thimau datblygu a rhwydwaith y Cyngor i adnabod cyfleon.	Ydi Na Ydi Na
--	--	--	---	---

		GWEI4 – hyrwyddo Cyngor Gwynedd fel cyflogwr digidol ▪ Paratoi achos busnes ar gyfer prentisiaid a hyfforddeion ▪ Prentisiaid gwyddor data ▪ Hyfforddai Trawsnewid Digidol ▪ Paratoi rhaglenni i ymweld â'r ysgolion i hyrwyddo Cyngor Gwynedd fel cyflogwr digidol	• Penodwyd dau brentis gradd mewn gwyddor data yng Ngorffennaf a'r ddau aelod newydd wedi setlo'n dda fel rhan o'r tîm datblygu • Bu'r prentisiaid peirianeg meddalwedd cyfredol yn hyrwyddo gyrfau digidol gyda'r Cyngor mewn diwrnodiau recriwtio agored • Aflwyddiannus oedd ein ymdrechion i benodi Hyfforddai Trawsnewid Digidol y llynedd, a rydym wrthi eto eleni ac yn falch o nodi bod ymgeiswyr cryf ar y rhestr fer.	Na
--	--	---	---	----